

毛

鄭

詩

釋

毛鄭詩釋卷三

淮安山陽丁晏學

聿修厥德傳聿述 案漢東平王宇傳引作述修厥德  
大任有身專身重也箋重謂懷孕也 正義曰以一身中  
復有一身故言重案釋元應大集日藏分經引詩太任  
有娠佛本行集經音義引詩大任有娠傳曰娠動也娠  
謂有胎懷孕者也廣雅娠侑也今皆作身兩通前世三  
轉經音義引詩傳娠動也說文女部娠女妊身動也從  
女辰聲

倪天之妹傳倪磬也 釋文韓詩作磬磬譬也案說文人

部倪警諭也從人從見引詩倪天之妹許君用韓詩說也

纘女維莘傳莘太姒國也 案劉向列女傳母儀傳太姒者武王之母禹后有契姒氏之女廣韻十九臻契所臻切有契國名古莘契聲同通用

絲絲瓜𦍒傳瓜紹也𦍒𦍒也箋云瓜之本實繼先歲之瓜必小狀似𦍒故謂之𦍒 釋文引韓詩云𦍒小瓜也案文選潘安仁在懷縣作注引韓詩絲絲瓜𦍒薛君曰𦍒小瓜也說文瓜部𦍒𦍒也從瓜失聲引詩此文𦍒小瓜也與韓義同

絲傳古公處豳狄人侵之事之以皮幣不得免焉事之以  
犬馬不得免焉事之以珠玉不得免焉乃屬其耆老而  
告之曰狄人之所欲吾土地吾聞之君子不以其所養  
人而害人二三子何患無君去之踰梁山邑乎岐山之  
下豳人曰仁人之君不可失也從之如歸市 案伏生  
書大傳呂氏春秋俱有此文不獨孟子也毛公先秦古  
書故所引多傳記文

周原膺膺傳膺膺美也

釋文韓詩同案文選魏都賦注

引韓詩周原腼腼小

國雖靡膺韓詩作靡腼膺腼古

通用

其繩則直傳言不失繩直也 案東京賦注引毛傳言不

失繩直之宜也

臯門有伉傳伉高貌 釋文韓詩作閼云盛貌案漢書揚

雄傳閼閼其寥廓兮師古曰高門貌文選西京賦高

門有閼李善云伉與閼同吳都賦高闐有閼玉篇門部

引詩亦作閼伉閼古今字說文自部阬閼也門部閼門

高也阬卽伉之正文說文無閼字廣韻四十二宕閼閼

門高

混夷駢矣傳駢突 案說文駢馬行疾來貌從馬兌聲詩

曰昆夷駢矣趙岐孟子章指亦引詩昆夷駢矣釋文混

# 音昆

維其喙矣傳喙困也 正義曰喙之爲困未詳案晉語靡  
笄之役卻獻子傷曰余病喙韋昭注喙短氣貌方言瘞  
極也郭注江東呼極爲瘞倦聲之轉也又瘞倦也郭注  
今江東呼極爲瘞外傳曰余病瘞矣廣雅瘞極也玉篇  
瘞困極也廣韻二十廢瘞困極也引詩昆夷瘞矣本亦  
作喙瘞上同

虞芮質厥成傳虞芮之君相與爭田久而不平乃相謂曰  
西伯仁人也盍往質焉乃相與朝周入其竟則耕者讓  
畔行者讓路入其邑男女異路班白不提挈入其朝十

讓爲大夫大夫讓爲卿二國之君感而相謂曰我等小人不可以履君子之庭乃相讓以其所爭田爲間田而退天下聞之而歸者四十餘國 正義曰似有成文未知出何書也案尙書大傳虞人與芮人質其成於文王入文王之境則見其人萌讓爲士大夫入其國則見士大夫讓爲公卿二國相謂曰此其君亦讓以天下而不居也讓其所爭以爲間田說苑君道篇云虞人與芮人質其成於文王入文王之境則見其人民之讓爲士大夫入其國則見其士大夫讓爲公卿二國者相謂曰其人民讓爲士大夫其士大夫讓爲公卿然則此其君亦

讓以天下而不居矣二國者未見文王之身而讓其所  
爭以爲間田而反史記虞芮之人有獄不能決乃如周  
入界耕者皆讓畔民俗皆讓長虞芮之人未見西伯皆  
慙相謂曰吾所爭周人所恥何往爲祇取辱耳遂還俱  
讓而去諸侯聞之曰西伯蓋受命之君並與毛公合正義  
引家語不足據

芄芃棫樸傳樸枹木也 案文選西京賦注引毛傳樸包  
木也

薪之樵之傳樵積也 案說文樵積燎也周禮以樵燎祀  
司中司命飢師兩師鄭注樵積也引詩薪之樵之



左右趣之傳趣趨也 案賈誼新書連語引詩左右趨之

此言左右曰以善趨也容經引詩同與毛傳訓趨合

追琢其章金玉其相傳追彫也金曰彫玉曰琢 案荀子

富國篇引詩彫琢其章毛公親事荀卿故訓本於師說  
也說苑修文篇亦引詩彫琢其章金玉其質言文質美  
也

勉勉我王綱紀四方 案荀子富國篇引詩疊疊我王文  
王毛傳疊疊勉也亦本於師說也韓詩外傳亦引詩云  
疊疊文王綱紀四方

施于條枚箋延蔓於木之枚下而茂盛 案呂氏春秋恃

君覽知分引詩延于條枚後漢書黃琬傳注同韓詩外傳引詩亦作延鄭君釋施爲延蔓本韓詩說也皇矣箋云施猶易也延也

魚躍于淵箋魚跳躍於淵中喻民喜得所 案文選四子講德注引韓詩魚躍于淵薛君曰魚喜樂則踊躍於淵中與箋義合

太姒嗣徽音則百斯男傳太姒十子眾妾則宜百子也

案白虎通姓名文王十子引詩傳曰伯邑考武王發周公旦管叔鮮蔡叔度曹叔振鐸成叔處霍叔武康叔封南季載班氏所引疑三家詩傳文史記成叔名武霍叔

名處漢古今人表同與詩傳所言互異南季管蔡世家  
作冉季古楠字本作柁或作柁故冉亦誤爲南劉向列  
女傳太姒生有十男長伯邑考次武王發次周公旦次  
管叔鮮以周公爲管叔兄與班引詩傳及趙岐注孟子  
合

烈假不瑕箋厲假皆病也 案鄭讀烈爲厲古厲烈通用  
集韻引詩厲假不瑕從鄭讀也

上帝耆之傳耆惡也

毛本誤  
作老也

耆耆老也

案周頌武云耆

定爾功釋文毛音指致也鄭巨移反老也韓詩音同鄭  
云惡也王符潛夫論班祿引詩云上帝指之憎其式惡

其菑其翳傳自斃爲翳 釋文韓詩作殪云因也因高填  
下也案釋名殪翳也就隱翳也

維此王季帝度其心 正義曰昭二十八年左傳彼言維  
此文王今王肅注及韓詩亦作文王案樂記注云言文  
王之德皆能如此則鄭所据詩亦作文王鄭注禮多依  
韓詩與毛不同又徐榘中論務本詩陳文王之德曰惟  
此文王帝度其心 杜預多同王肅  
說見桓五年疏

貊其德音傳貊靜也 釋文貉本作貊左傳作莫韓詩同  
云莫定也案釋詁貉莫定也正義引作貊莫定也

四方以無拂箋拂猶侂也言無復侂戾文王者 案考工

五音集韻 卷三  
記察其菑爪不齧注菑與爪不相侔賈疏不相侔戾鄭  
注禮記亦云拂猶侔詳見禮記釋注

鼉鼓逢逢傳逢逢和也 案呂覽季夏紀注引詩鼉鼓聲  
辭釋元應維摩經音義亦引作辭辭廣韻四江辭鼓聲  
也攀上同逢卽辭之段借

矇眊奏公傳有眸子而無見曰矇無眸子曰眊公事也

案文選連珠注引韓詩矇眊奏功薛君曰無珠子曰矇  
珠子具而無見曰眊與毛不同春官大師注鄭司農注  
有目眊而無見謂之矇有目無眸子謂之眊晉語韋昭  
注有眸子而無見曰矇無眸子曰眊釋名矇有眸子而

無明蒙蒙然無所別也說文眴無目也並與毛合當以  
毛義爲長漢樊安碑以公德加位特進隸釋云以公德  
爲功德詩以奏膚公王公伊濯肇敏戎公訓皆爲功公  
功古通用文選楊德祖答臨淄侯牋注引詩眴眴奏工  
楚辭九章章句亦作奏工呂氏春秋達鬱注引詩眴眴  
奏功楚辭九章章句引詩眴  
眴奏工周禮肆師先鄭  
注古者工與功同字

昭茲來許傳許進 惠棟曰東觀漢記引詩云昭茲來御  
蔡邕獨斷云御者進也與傳合疑傳寫之誤 案廣雅  
許進也義本毛傳續漢書祭祀志注引大雅曰昭哉來  
御繩其祖武

築城伊減傳減城溝也 釋文字又作洫韓詩云洫深池

案說文古文闕從闕減洫古通

時維姜嫄傳姜姓也 案史記周本紀引韓嬰章句姜姓

原字漢禮樂志古今人表俱作姜原不加女旁

克岐克疑傳疑識也 案說文口部嘸小兒有知也從口

疑聲引詩克岐克嘸淮南子注軫輶之輶讀如克岐克

嘸之嘸是漢人多作嘸婁壽碑岐嘸有志鄭固碑善性

形於岐疑仍作疑又劉熊碑誕生岐嘸武斑碑其在孩

提岐嘸發蹤馬江碑岐嘸有度童子逢盛碑亦作岐嘸

書作山旁漢人分隸往往移易如此

種之黃茂傳種雜種也 正義曰其苗實雍種而肥又曰  
莊子說木之肥大云雍腫無用故以種爲雍腫謂苗之  
肥盛也又曰傳言雍種是肥充之貌案正義則毛傳本  
作雍種後人訛爲雜耳

或春或揄傳揄抒曰也 案周禮春人注抗抒曰也詩云  
或春或抗釋文抗音由儀禮有司徹注挑讀如或春或  
抗之抗說文曰部旨抒曰也從爪曰詩曰或簸當作或  
旨旨或從手宀作抗或從曰宀作眈廣韻十八尤抗抒  
曰揄旨上同古抗揄聲相近

或肆之筵或授之几肆筵設席 案楚辭招魂章句引作



肆筵設机涉上二句而誤也古書几多作机渙九二渙  
奔其机虞翻曰渙宗廟中故設机釋文机音几左傳襄  
十年投之以机釋文机本又作几莊子齊物論隱机而  
噓釋文机李本作几州輔碑有机杖之賜

室家之壺傳壺廣也箋云壺之言捆也室家先以相捆綴  
已乃及於天下正義曰周語引此章壺也者廣裕民  
人之謂也案周語韋昭注壺捆也言孝子之行先於室  
家族類以相致乃及於天下也義本鄭氏孟子滕文公  
篇音義引埤蒼云捆綴也

公尸來燕來宗傳宗尊也案說文宗尊祖廟也白虎通

宗者何宗有尊也初學記引釋名宗尊

鳧鷖在壺傳壺山絕水也箋云壺之言門也 釋文壺音

門案文選吳都賦注引韓詩壺水流進貌與故訓合漢書地理志浩壺師古曰水流峽山岸深若門也引詩此文趙充國傳至浩壺師古曰音門水名也後漢書馬援傳毛聚寇鈔拒浩壺隘李賢注音告門屬金城郡浩水名也壺者水流夾山間兩岸深若壺也詩曰鳧鷖在壺亦其義也今俗呼此水爲閤門河蓋疾言之耳壺門音義同故箋訓爲門

芮鞠之卽傳芮水厓也鞠究也箋芮之言內也水之內曰

隩水之外曰鞠 案周禮職方氏雍州其川涇汭鄭注  
汭在豳地引詩汭沔之卽漢書地理志孟堅自注詩芮  
隩雍州川也師古曰隩讀與鞠同大雅公劉之詩曰止  
旅乃密芮鞠之卽韓詩作芮隩言公劉止其軍旅欲使  
安靜乃就芮隩之間耳爾雅釋邱厓內爲隩外爲隈邢  
疏隈當作鞠傳寫誤也釋文作鞠引字林作坵云厓外  
也詩正義引爾雅亦作鞠李巡孫炎本同廣韻一屋隩居六切  
曲岸水外曰隩坵上同

茆祿爾康矣傳茆小也箋云茆福 案茆茆通甘棠傳蔽  
茆小貌韓詩外傳蔽茆易釋文引子夏傳豐其茆茆小

貌故毛公亦訓弗爲小釋詁祓福也郭注引詩祓祿爾  
康矣生民箋云弗之言祓也

潛不畏明傳潛曾也 案說文曰部潛曾也從曰𣎵聲詩  
曰潛不畏明八部曾詞之舒也

柔遠能邇箋能猶仰也 正義曰尙書注以能爲恣則此  
云如者與恣同謂順適其意也釋文仰檢字書未見所  
出廣雅云如若也均也義音相似而字則異舊音如庶  
反義亦難見鄭注尙書云能恣也與此不同案集韻仰  
均也人余切音如通作如秦誓其如有容焉公羊文十  
二年傳作其能有容古能如多通用故訓能爲仰

無然泄泄傳泄泄猶沓沓也 案說文曰部沓語多沓沓也從水曰說文口部咄多言也從口世聲詩曰無然咄咄言部詵多言也從言世聲詩曰無然詵詵荀子解蔽篇注引詩無然詵詵

聽我囂囂傳囂囂猶瞽瞍也 案正義引釋訓囂囂傲也今本作敖敖釋文本又作瞽又作囂同小雅讒口囂囂漢書劉向傳作讒口瞽瞍

民之方殿屎傳殿屎呻吟也 釋文云說文作唵呶案說文唵呶也從口念聲詩曰民之方唵呶五經文字屎說文作呶則唐本說文作唵呶

牖民孔易 案韓詩外傳作誘民傳牖道也召南傳誘道也古牖誘通用劉勰新論從化引詩誘人孔易

曾是彊禦傳彊梁禦善也 案莊子山木篇以其彊梁隨其曲傳釋文彊梁多力也漢書注引詩作彊圉烝民不畏彊禦漢書王莽傳引作彊圉桑柔箋云圉當作禦古字多通用老子道德經第四十二章彊梁者不得其死漢書河間獻王所得古書老子其一也毛公爲獻王博士故依用之

女𤑔然于中國傳𤑔然猶彭亨也 案易大有九四匪其彭釋文引干寶云彭亨驕盛貌類篇彭亨驕滿也韓退

之城南聯句苦開腹彭亨用毛公語文選魏都賦吞滅  
咆然劉淵林注咆然猶咆哮也自矜健之貌也引詩咆  
然於中國

內吳于中國傳吳怒也不醉而怒曰吳 案文選魏都賦  
姦回內鬲劉逵注不飲酒而怒曰鬲詩曰內鬲于中國  
西京賦巨靈鬲鳳薛綜注鬲鳳作力之貌也釋元應宏  
道廣韻三昧經音義鬲古文吳說文鬲壯大也謂作力  
怒也今說文大部鬲壯大也從三大三日二目爲𠂔三  
目爲𠂔益大也一日迫也讀若易虛犧氏詩曰不醉而  
怒謂之鬲卽詩傳文也廣韻六至𠂔平秘切怒也一日

近也

當作迫也

曩上同見經典省

覃及鬼方傳鬼方遠方也

正義曰未知何方也案文選

五等諸侯論注引詩覃及鬼方毛萇曰覃延也今傳無此文傳寫脫也丙子學易篇引蒼頡篇鬼遠也文選趙充國頌注引世本注鬼方於漢則先零戎是也

在夏后之世箋近在夏后之世

案周語引詩近在夏后

之世

靡哲不愚傳國有道則知國無道則愚

案毛公避漢高

祖諱改邦爲國

有覺德行傳覺直也

案緇衣作有梏德行鄭云梏大也



直也古覺枯聲相近

用遶蠻方傳遶遠也箋云遶當作剔剔治也 惠棟曰泮  
水詩云狄彼東南箋云狄當作剔韓詩作翳云除也士  
喪禮云四髻去蹄注云今文髻爲剔說文遶古文逃義  
雲章又作愁訓爲剔左傳二十八年傳糾逃王慝漢都  
鄉正街彈碑云糾剔王伋逃訓遠見爾雅或從狄省文  
也 晏案書牧誓潛夫論勸將引詩用逃蠻方逃矣西  
土之人郭註釋詁引作遶矣西土之人後漢書注文選  
注引書皆作遶邢叔明爾雅疏云遶古文逃也瞻印云  
舍爾介狄傳狄遠也集韻云說文引詩舍爾介逃許君

云遠也漢書古今人表簡邊師古曰卽簡狄也廣雅狄  
敷也王充論衡狄牙之調味也卽易牙古易狄聲相近  
倉兄填兮傳倉喪兄滋也 釋文倉初亮反兄音况本亦  
作况正義曰倉之爲喪其義未聞况訓賜也賜人之物  
則益滋多故况爲滋也案倉喪同音段借說文心部愴  
傷也從心倉聲兄讀與况同小雅况也永歎傳况茲出  
車僕夫况瘁箋云况茲也大雅職况斯引職况斯宏傳  
况滋也又亂况斯削箋云而亂滋甚古兄况茲滋通用  
沖遠訓况爲賜又轉爲嘉貺之貺其說非也

靡所止疑傳疑定也 正義曰疑音疑疑者安靜之義故

爲定也釋文疑魚陟反惠棟曰鄉飲酒禮云賓西階上  
疑立注云疑讀爲疑然從於趙盾之疑疑然立自定之  
貌音魚乙反正義音疑非也晏案士昏禮婦疑立于席  
西鄭注疑正立自定之貌鄉射禮賓西階上疑立釋文  
疑魚乙反陸氏得之

至今爲梗傳梗病也 案釋元應放光般若經音義引楚  
辭梗其有理王逸云梗強也亦害也病也

反予來赫傳赫炙也箋口距人謂之赫 正義曰定本集  
注毛傳云赫炙也王肅云我陰知汝行矣乃反來嚇炙  
我欲有以退止我言者也釋文赫毛許白反 也與王

赫斯怒同義本亦作嚇鄭許嫁反口距人也莊子云以  
梁國嚇我是也 案毛傳本訓光王肅改毛爲炙以合  
已說且以難鄭也莊子秋水釋文嚇一本作呼許嫁反  
司馬云嚇怒其聲恐其奪已也故鄭謂以口距人一切  
經音義引詩作嚇

國步斯頻傳頻急也箋頻猶比也 案說文目部瞋恨張  
目也從目賓聲詩曰國步斯瞋莊子天運釋文引通俗  
文曰瞋額曰瞋古瞋頻通用

蘊隆蟲蟲傳蘊蘊而暑隆隆而雷蟲蟲而熱 釋文蘊紆  
粉切韓詩作鬱同蟲蟲爾雅作蠱云熏也韓詩作炯音

徒東反案蘊當作蒹說文艸部蒹積也廣韻蒹俗作蘊  
荀子富國篇使民夏不宛暘楊注宛讀爲蘊暑氣也引  
詩蘊隆蟲蟲內則注宛或作鬱都人士箋云苑猶屈也  
積也釋文苑徐音鬱古蒹宛苑並通用讀如鬱廣雅炯  
熱也廣韻一東炯熱氣炯炯徒紅切毛作蟲蟲段借字  
也

后稷不克箋克當作刻刻識也 案劉熙釋名克刻也刻  
物有定處人所克念有常心也史記孔子世家有顏刻  
論語包注作顏尅

耗斁下士傳斁敗也

釋文耗韓詩云惡也案後漢書賢

皇后紀引薛氏韓詩章句耗惡也唐石經亦作耗說文  
無耗字當以石經爲正春秋繁露郊祀引詩耗射下土  
古射數通用

先祖于摧箋摧當作唯唯嗟也 案易晉初六晉如摧如  
釋文鄭摧讀如南山崔崔之崔李氏集解虞翻曰摧憂  
愁也與鄭訓嗟同意

滌滌山川傳滌旱氣也山無木川無水 案說文艸部薇  
艸旱盡也從艸微聲詩曰薇薇山川廣韻二十三錫薇  
艸木旱死徒歷切音與滌同

如煠如焚傳煠燎之也 釋文說文云炎燎也徐音炎案

後漢書肅宗紀注引韓詩作如災如焚上文赫赫炎炎  
釋文或作愀古愀炎通用

趣馬師氏膳夫左右傳歲凶年穀不登則趣馬不秣師氏  
弛其兵馳道不除祭事不縣膳夫徹膳左右布而不修  
大夫不食粱士飲酒不樂 正義曰歲凶年穀不登馳

道不除祭事不縣大夫不食粱士飲酒不樂下曲禮有  
其事其餘不知所出也曲禮又有君膳不祭肺馬不食

穀與此徹膳不秣意同而文異耳大戴禮白虎通皆云

一穀不升徹鵜鷄二穀不升去鳧雁三穀不升去兔

曲禮

疏引作損

四穀不升去圉獸

曲禮疏引作損圉獸又五穀不升不備三牲今白虎

撤雉兔

通文不具

案穀梁襄二十四年大饑傳大祲之禮君食不兼味臺榭不塗弛侯廷道不除百官布而不制鬼神禱而不祀范甯注弛廢也侯射侯也廢侯不燕射卽毛公所謂弛兵穀梁毛詩源皆出於子夏蓋七十子傳授之微言也韓詩外傳云大祲之禮君食不兼味臺榭不飾道路不除百官補而不制鬼神禱而不祠是毛韓說同

靡人不周傳周救也箋云周當作賙案周禮鄉師而賙萬民之難阨鄭司農云賙讀爲周急之周釋元應維摩經音義周古文賙同詩靡人不賙大智度論音義引詩靡人不賙傳賙救也此箋申毛非改毛也



我儀圖之傳儀宜也 案角弓云如食宜 饅釋文引韓詩  
作儀古宜通用

幹不庭方箋作楨幹而正之 案西京賦注引薛君韓詩  
章句幹正也謂以其議非而正之箋本韓詩

鈎膺鏤錫傳鏤錫有金鏤其錫也箋眉上曰錫刻金飾之  
今當盧也 案說文金部錫馬頭飾也從金陽聲引詩  
鈎膺鏤錫巾車鄭注錫馬面當盧刻金爲之所謂鏤錫  
也賈疏眉上曰錫故知當額盧左傳桓二年錫鸞和鈴  
杜注錫在馬額文選東京賦注鏤彫飾也當額刻金爲  
之續漢書輿服志青犢尾當盧又髦釋元應樓炭經音

義當盧字宜作顱同力胡反言馬面當顱刻金爲之所謂鏤錫也

出宿于屠傳屠地名也。詩地理考滴水李氏曰同州郿谷說文邑郿郿在馮翊郿陽亭

祁祁如雲傳祁祁徐靚也。案司馬和如上林賦靚裝刻飾後漢書南匈奴傳豐容靚飾廣韻四十五勁靚疾政切裝飾也

實墉實壑實畝實藉箋實當作寔趙魏之東實寔同聲實是也。正義曰春秋桓六年州公寔來而左傳作實來是由聲同故字有變異也案釋詁寔是也郭注引公羊

傳曰寔來者何是來也周語咨於故實韋昭注故事之  
是者也周策是攻用兵高誘注是實也書秦誓是能容  
之禮記大學作實唐石經衛氏集說作寔小星云寔命  
不猶釋文韓詩作實

釐爾圭瓚秬鬯一卣傳九命錫圭瓚秬鬯 案韓詩外傳  
引傳曰九錫秬鬯

來旬來宣箋旬當作營 案周禮均人注旬均也讀如營  
營原隰之營易坤爲均今書亦有作旬者營從田熒省  
聲營從宮熒省聲古書熒惑一作營惑虞翻易注坤爲  
營公羊疏引爾雅孫炎注營州受性平均古旬均營營

熒並聲近通借

矢其文德傳矢施也 正義曰定本爲弛字案禮記孔子  
閒居引詩弛其文德注弛施也釋詁矢弛也

旣敬旣戒箋云敬之言警也警戒六軍之眾 案說文言  
部警言之戒也從言敬敬亦聲小徐繫傳引禮曰先鼓  
以敬戒周禮注引詩旣倣旣戒古倣警通用隸僕注倣  
蹕釋文倣字又作警釋名敬警也恒自肅警也

徐方釋騷箋釋當作驛 案載芟云驛驛其達釋文爾雅  
作繹繹云生也文選甘泉賦注引薛君韓詩章句繹繹  
盛貌廣雅驛驛盛也駟云以車繹繹釋文崔本作驛後

漢書郭伋傳駱驛不絕卽絡繹也隸釋丁魴碑亦以駱驛爲絡繹古繹驛通用

鋪敦淮瀆箋云敦當作屯

案漢書揚雄傳敦萬騎于中

營兮師古曰敦讀曰屯文選甘泉賦注敦與屯同漢書地理志敦煌郡應劭曰敦音屯釋文鋪韓詩作敷後漢書馮緄傳亦引詩敷敦淮瀆古鋪敷通用詳見禮記釋注

縣縣翼翼傳縣縣靚也

正義縣縣舒緩之意故爲靚也

案賈誼鵬鳥賦澹乎若深淵之靚揚雄甘泉賦稍暗暗而靚深師古曰靚卽靜字

草不漬茂傳漬遂也箋漬茂之漬當作彙彙茂貌 案漢

郊祀歌青陽開動根莖以遂遂卽茂意

韓退之文根之茂者其實遂

箋申毛非改毛也說文彙作𣎵艸木𣎵字之貌

韓詩外傳作漬

茂疑漬之譌

不云自頻傳頻厓也箋云頻當作濱

釋文張指字詁云

瀕今濱則瀕是古濱字案說文瀕水厓人所賓附頻蹙不前而止從頁從涉徐鼎臣曰今俗別作水賓非是瀕濱古今字采蘋北山傳皆云濱厓也劉向列女傳引詩作濱與鄭君合蓋漢人多用今文故箋易作濱也

假以溢我傳假嘉溢慎

案說文言部誠嘉善也從言我

聲詩曰諫以溢我廣韻引詩諫以謚我左傳襄二十六

年引詩何以恤我古假與遐通揚子法言寡見篇假言

周于天地贊于神明注假作遐漢禮樂志注假即遐字楊統碑繁陽令楊君碑

皆以假爲遐廣韻三十五馬假說文作假古遐胡同音士冠禮注胡猶遐也

表記注瑕之言胡也桑柔箋胡之言何也伐檀箋胡何

也魏風何不日鼓瑟魯詩石經殘碑作胡左氏作何許

君作譏皆音近段借也尚書惟刑之恤哉今文作謚古

謚恤亦通戴氏謂春秋傳作何傳寫謫失恐非

彼徂矣岐有夷之行傳夷易也案後漢書作都夷傳引

詩彼徂者岐有夷之行注引韓詩薛君傳曰徂往也夷

易也行道也彼百姓歸文王者皆曰岐有易道可往歸

矣易道謂仁義之道而易行故岐道阻險而人不難括

沈

筆談引作朱浮傳誤案此朱輔上疏引詩非朱浮也薛君曰徂往也沈括引作岨亦非

說苑君道

篇引詩岐有夷之行子孫其保之韓詩外傳亦引詩岐有夷之行是韓詩皆以岐字屬下讀

成王不敢康夙夜基命宥密傳二后文武也密口也箋云

成此王功不敢自安逸 案賈誼新書容經叔向引詩

曰成王不敢康夙夜基命宥謚謚者口也億也命者制

令也基者經也勢也夙早也康安也后王二后文王武

王成王者武王之子文王之孫也文王有大德而功未



就武王有大功而治未成及成王承嗣仁以臨民故稱  
昊天焉賈太傳直以成王爲周成王與鄭不同周語叔  
向曰引此詩云云是道成王之德也賈唐鄭韋注俱謂  
成其王功

詩正義引

非周之成王恐非外傳之旨

於緝熙單厥心肆其靖之傳熙廣肆固箋云廣當爲光固  
當爲故字之誤 案荀子禮論篇澤厚者流澤廣大戴  
禮記作光古光廣通用說文廣從广黃聲黃從田作𦏧  
𦏧古文光也周語引詩緝熙之廣也韋昭注鄭後司農  
云廣當爲光虞翻同後司農卽康成也禮投壺鄭注固  
之言如故也史記魯世家咨于故實徐廣曰固一作故

國語作故古固故亦通敬之毛傳光廣也縣毛傳肆故  
今也並與鄭合此箋申毛非改毛也

薄言震之莫不震疊傳震動疊懼 案後漢書李固傳注

引韓詩薛君傳曰薄辭也振奮也莫無也震動也疊應  
也美成王能奮舒文武之道而行之則天下無不動而  
應其政教韓詩以時邁爲成王時詩與箋言武王不同

思文后稷 案魯語展禽曰稷勤百穀而山死韋昭注稷

周棄也勤播百穀死于黑水之山毛詩傳云

魏志杜畿傳注亦稱

韋昭引毛 今毛傳無此文山海經海內經西南黑水之

詩傳同 山有都廣之野后稷葬焉東漢馬融亦作毛詩傳見後

漢書荀爽亦有詩傳則稱傳者不獨毛公詳玩韋宏嗣所引疑非故訓文也

貽我來牟傳牟麥 案文選典引注引韓詩外傳貽我嘉麥薛君曰麥大麥也漢書劉向傳引詩飴我釐麴釐麴麥也師古曰飴讀與貽同孟子趙岐注白帖八十一皆引作麴說文來周所受瑞麥來麴也一麥二麴象其芒束之形天所來也故爲行來之來麴麥也從麥牟聲或從艸作牟牟麥麴麥並同毛從古文省

無此疆爾界 釋文作介案魏都賦注引韓詩介界也

于彼西雝傳雝澤也案後漢書邊讓傳注引韓詩薛君章

句西雍文王之雍也言文王之時辟雍學士皆潔白之

人也以西雍爲辟雍與毛鄭不同

文選任彥昇爲蕭揚州作薦士表引詩于

彼西雍

潛有多魚傳潛慘也

釋文慘也舊時傳並作米傍參韓

詩云涔魚池案文選笛賦注引薛君韓詩章句涔魚池

也音岑正義曰涔潛古今字太平御覽八百三十四引

鍵爲舍人曰以米投水中養魚爲涔說文米部糲以米

和羹也一曰米粒也從米甚聲籀文作糲古文作糲陸

氏作米旁是禹貢沱潛旣道史記夏本紀潛作涔古字

通用

條革有鷖傳言有法度也箋鷖金飾貌 案說文王部璫  
玉聲也從玉倉聲詩曰條革有璫小雅有璫蔥珩傳璫  
珩聲也商頌八鸞鷖鷖傳言文德之有聲也鷖段借字  
依字當作璫釋文鷖本亦作璫故鄭以爲金飾

嬖嬖在疚 釋文崔本作煢案漢書匡衡傳引詩煢煢在  
疚文選揚荊州誄潘安仁河陽縣作注並引詩煢煢在  
疚後漢書和熹鄧皇后紀引詩亦作煢煢說文山部次  
貧病也從山久聲引詩煢煢在次左傳亦云煢煢余在  
疚

佛時仔肩傳佛大也 案說苑韓詩外傳並引詩弗時仔

肩古佛弗通用

拚飛維鳥箋猶鷦之翻飛爲大鳥也 案文選謝宣遠張

子房詩引韓詩薛君章句翻飛貌陸士衡贈馮文熊詩

劉越石答盧謐詩注俱引詩翻飛維鳥廣雅拚飛也拚

卽翻之段借毛詩作拚韓詩作翻古今字也拚從弁讀

如翻猶笄紒從弁讀如煩皆音之轉也

說文拚  
拚手也

有噴其飴傳噴眾貌 案說文口部噴聲也從口貪聲引

詩有噴其飴廣韻四十八感噴眾聲鳥感切

縣縣其庶傳庶耘也釋文縣縣韓詩作民民眾貌 案大

雅縣縣翼翼釋文縣縣韓詩作民民同縣民聲相近

其縛斯趙傳趙刺也 案考工記粵無縛鄭注引詩其縛  
斯揭賈疏揭刺也釋文揭音趙集韻三十小揭刺也詩  
具縛斯揭或作趙通用趙

載弁俅俅箋載猶戴也 案爾雅釋言注引詩戴弁俅俅  
玉篇引詩亦作戴弁古載戴通用

自羊徂牛傳言先小後大也 案劉向說苑尊賢篇引詩  
自堂徂基自羊徂牛言以內及外以小及大也韓詩外  
傳云自堂徂基自羊徂牛以小成大是毛韓義同

不吳不敖傳吳譁也 案史記孝武本紀作不虞不驚古  
虞吳通用國語虞山漢地理志作吳山公羊傳伐鮮虞

釋文本或作吳音虞虞從虍吳聲足徵古本皆作吳不當如何承天說誤作吳矣 釋名釋州國吳虞也漢衡方碑不虞不陽卽不吳不揚之異文說文亦作不吳不揚孔疏本娛作吳

酌釋文字亦作勺 案儀禮燕禮若舞則勺注勺頌篇告成大武之樂歌也內則亦作勺漢禮樂志武王作勺董仲舒傳於周莫盛于勺張晏曰勺周頌篇也言能成先祖之功以養天下也師古曰讀與酌同左氏宣十二年傳荀子禮論篇又作勺

我龍受之傳龍和也 正義曰龍之爲和訓則未聞案長



發傳龍和也廣雅龍和也玉篇龍和也易乾爲龍乾道保合太和故爲和一說龍與厯通玉人上公用龍注謂雜色非純玉龍訓和猶亂訓治也

鸞聲噦噦傳噦噦言其聲也 案說文金部鉞車鑾聲也

從金戊聲詩曰鑾聲鉞鉞徐鼎臣曰今俗作鑾以鉞作斧鉞之鉞非是廣韻十四泰鑾鈴聲此卽大徐所謂俗體也目部眦讀若詩施眾滅滅大部叢讀若詩施眾泐泐

屈此羣醜傳屈收醜眾也 案釋文引韓詩屈收也收斂得此眾聚是毛韓同義

不吳不揚傳揚傷也 案澤陂云傷如之何爾雅郭注引  
魯詩陽如之何古揚陽通用詳見禮記釋注

束矢其搜傳五十矢爲束搜眾意也 正義曰荀卿論兵

云負矢五十箇荀則毛氏之師故從其言以五十矢爲  
束也案說文手部摻眾意也從手容聲引詩束矢其摻  
憬彼淮夷傳憬遠行貌 釋文憬說文作慮音獷云闊也

一曰廣大也案陸引說文與今本異說文心部憬覺悟  
也從心景聲詩曰憬彼淮夷瞿部瞿讀若詩云獷彼淮  
夷之獷文選安陸昭王碑文引韓詩獷彼淮夷薛君曰  
獷覺寤之貌許於憬下依毛詩瞿下引韓詩憬與獷獷

聲相近

闕宮有血傳闕閉也箋闕神也 案文選魯靈光殿賦注

引詩祕宮有血傳祕神也傳乃箋之誤

奄有龜蒙 案文選責躬詩注引詩奄有龜蒙毛萸曰奄大也今傳無此文

奄有九有傳九有九州也 案文選策魏公九錫文引韓詩奄有九域薛君曰九域九州也傳域有也祭法共工氏之霸九州也魯語作霸九有漢律志作霸九域古字通用

幅隕旣長傳隕均也箋云隕當作圓圓謂周也 案說文

口部圓讀若員元鳥傳員均也隕卽員之段借古員圓通用

百祿是何傳何任也 案左傳隱三年引詩百祿是荷荷讀如荷任之荷與毛公合

元王桓撥傳撥治也 案釋文韓詩作發發明也古發讀如撥與撥通用

率履不越傳履禮也 案韓詩外傳引作率禮漢書蕭望之傳亦引作禮宣帝紀同隸釋周憬碑帥禮不越並與故訓合

爲下國駿厖傳駿大厖厚箋駿之言俊也 案荀子榮辱

篇引詩爲下國駿蒙楊注駿大也蒙讀曰厯厚也毛公親事荀卿故訓多本師說也大戴禮衛將軍文子篇引詩爲下國恂蒙盧辯注恂信也今下國信蒙其富今案盧說非也古恂駿聲近段借論語恂恂祝睦後碑鄉黨逡逡可證也蒙厯亦通用小戎箋云蒙厯也大戴所引與毛詩正合呂氏讀詩記稱董氏引齊詩作駿驪謂馬也齊詩魏代已亡非朱董道所及見此齊詩卽董氏所僞托以詩文從馬詭爲此說而朱子集傳誤從之遂廢漢以來經師之訓故是可嘆也

何天之龍敷奏其勇箋龍當作寵 案大戴禮衛將軍文

子篇引詩何天之寵傳奏其勇鄭君依大戴文也書禹敷土史記夏本紀作傳土古敷傳通用

武王載旆傳旆旗也 案荀子議兵篇引詩武王載發注發讀爲旆說文土部坡治也引詩武王載坡坡與撥同烏部馱讀若撥長發傳撥治也坡撥發撥聲相近

苞有三蘂傳蘂餘也 案漢書敘傳注引詩包有三枿李善東京賦注蘂與枿古字同詳見禮記釋注

采入其阻傳采深筓采冒也 釋文采說文作罍從冈米云冒也案說文岡部罍周行也從双米聲引詩罍入其阻廣韻五支罍罍也采深入也冒也周行也

商邑翼翼四方之極傳商邑京師也 案後漢書樊準傳

引韓詩京師翼翼是毛韓同義

毛鄭詩釋續錄卷四

淮安山陽丁晏學

關雎傳夫婦有別則父子親父子親則君臣敬 案列女傳仁智傳關雎起興思得淑女以配君子夫男女之盛合之以禮則父子生焉君臣成焉與毛公合

左右芼之傳芼擇也 案說文見部現擇也從見毛聲讀若苗玉篇引詩左右現之芼現音義同

葛之覃兮傳葛所以爲絺綌女功之事煩辱者 正義曰勞辱之事案文選干寶晉紀總論尊敬師傅服澣濯之衣習煩辱之事化天下以婦道本毛詩序傳文



施于中谷傳施移也 案荀子儒效云若夫充虛之相施  
易也楊注施讀曰移古移弛通釋詁弛易也故毛訓爲  
移

羔羊之皮素絲五紵傳小曰羔大曰羊素白也紵數也  
案後漢書王渙傳小者曰羔大者曰羊素喻潔白絲喻  
屈柔紵數名也與毛義同

素絲五紵傳紵縫也 案說文黑部黻羔裘之縫也從黑  
或聲

于嗟洵兮傳洵遠 釋文韓詩作匱亦遠也案呂氏春秋  
季春紀引詩于嗟匱兮匱大也遠也高誘据韓詩也與

毛訓遠合

邶釋文本又作鄩 案漢書地理志注師古曰邶字或作鄩漢衡方碑感背人之凱風卽鄩之省文

如有隱憂傳隱痛也 案文選養生論勸進表詠懷詩注引韓詩如有殷憂古殷亦讀如隱

深則厲傳以衣涉水爲厲謂由帶以上也 案說文水部砣履石渡水也從水從石詩曰深則砣或作瀦釋文引韓詩至心曰厲玉篇水部水深至心曰砣禹貢礪砥砢丹一切經音義引作砣砥汗簡云砣古文礪王逸九歎章句瀦渡也由膝以下爲瀦也

有洸有潰傳潰潰怒也 案經本一字而傳重文申之如  
佩玉遂遂然垂其紳帶悸悸然有節度條條然獻也慄  
慄懼也毛傳多此文法韓詩亦云潰潰不善之貌與毛  
公同

出宿于洸傳洸地名 詩地理攷曰地理志禹貢道洸水  
東流爲洸東郡臨邑有洸廟注洸亦濟水字蘇氏曰書  
導洸水東流爲濟入于河溢爲滎春秋傳衛敗于滎澤  
故濟水及衛 案劉向列女傳母儀傳楚子發母下引  
詩出宿于濟飲餞于禰文選謝宣遠王撫軍詩注亦引  
毛詩出宿于濟玉篇洸古文濟字足徵蘇說之確

飲餞于禰傳祖而舍輶飲酒于其側曰餞 案文選顏延年曲水詩序注引韓詩章句送行飲酒曰餞

飲餞于禰 釋文韓詩作坭案士虞禮鄭注引詩飲餞于泥古從爾之字多與從尼字通如繫于金柅一作櫛詳見周易釋詁

問我諸姑 案史記吳世家索隱宋衷引毛讀姑爲諸今傳無此文

靜女其姝傳靜貞靜也女德貞靜而有法度乃可說也 案文選神女賦注引韓詩靜貞也與毛義同

不屑髭也箋云髭髮也 案周禮追師注引作不屑鬣也

說文髟部髣髮也從髟易聲或作髣

邦之媛也傳美女爲媛也箋云媛者邦人所依倚以爲媛助也釋文韓詩作援援取也案釋訓美女爲媛釋文作援說文女部媛美女也人所欲援也從女爰聲引詩此文毛韓同意

椅桐梓漆傳椅梓屬案說文木部椅梓也櫛字注賈侍中說櫛卽椅木可作琴

終然允臧案毛本注疏然誤焉唐石經作然不誤漢白石神君碑終然允臧蔡中郎集濟北相崔君夫人誄終然允臧

載馳載驅傳載辭也箋載之言則也 案七月春日載陽  
汧水載飛載止小宛載飛載鳴賓筵皇尸載起湛露在  
宗載考江漢王心載口時邁載戢干戈載櫜弓矢箋皆  
云載之言則也四牡云載飛載下箋猶則飛則下四月  
云載清載濁箋云一則清一則濁傳言辭箋言則則亦  
辭也箋申毛義文選高唐賦注引廣雅載則也

歸唁衛侯傳弔失國曰唁 案一切經音義引韓詩弔生  
曰唁說文口部唁弔生也從口言聲引詩歸唁衛侯

何以畀之傳畀予也箋又欲以善道與之 釋文畀與也

注予同案論衡率性篇本性篇兩引詩何以與之與箋

義合

考槃在阿傳曲陵曰阿 案文選西都賦引韓詩曲景曰  
阿釋元應大方廣佛華嚴經音義韓詩曰曲京曰阿阿  
謂山曲隈處也皇矣傳京大阜也爾雅釋地大阜曰陵  
元鳥傳景大釋詁京大也景從日京聲古陵京景並通  
用毛韓同義

譚公維私 案白虎通云覃公維私覃子也說文繫傳引  
覃公維私古文私

體無咎言 釋文韓詩作履履幸也案禮記坊記注作履  
無咎言鄭依韓詩也谷風無以下體韓詩外傳作下禮

古履禮亦通

噉其泣矣傳噉泣貌 案韓詩外傳作噉釋名噉噉也心有所念噉然發此聲也

雉離于罍傳罍覆車也 案說文网部罍覆車也從車包聲詩曰雉離于罍古從包之字與從孚之字多通詳見禮記釋注

謂予不信有如皦日傳皦白也 案釋文皦本又作皎列女傳引詩作皎文選寡婦賦引韓詩謂余不信有如皎日皎皦音義同又劉公幹贈徐幹詩注引謂余不信江文通雜體詩注引有如皎日月賦注引詩月出皦兮今



詩作皎曲禮注余子古今字

適子之館兮箋卿士所之之館在天子之宮如今之諸廬也案漢書金日磾傳小疾以廬師古曰殿中所止曰廬後漢書班固傳周廬千列李賢注謂宿衛之廬周於宮也鄭云諸廬舉今制以曉古也

抑釋擗忌傳擗所以覆矢釋文馬云櫝丸蓋也案說文擗所以覆矢也從手朋聲詩曰抑釋擗忌左傳昭二十五年公徒釋甲執冰而踞杜預注冰櫝丸蓋或云櫝丸是箭筈其蓋可以取飲正義賈逵云櫝丸蓋也北堂書鈔引劉楨毛詩義問云擗所以覆矢也謂箭筒蓋也

雜佩以贈之傳雜佩者珩璜琚瑀衝牙之類 案周禮玉

府注引詩傳曰佩玉上有葱衡下有雙璜衝牙蠙珠以  
納其間賈疏謂是韓詩晉語韋昭注引詩傳曰上有葱  
珩下有雙璜亦韓詩傳文大戴禮保傅篇云下車以珩  
玉爲度上有葱衡下有雙璜衝牙蠙珠以納其間續漢  
書輿服志劉昭注引月令章句曰佩上有雙衡下有雙  
璜琚瑀以雜之衝牙蠙珠以納其間初學記佩引三禮  
圖曰凡玉佩上有雙衡衡長五寸博一寸下有雙璜璜  
徑三寸衝牙蠙珠以納其間上下爲衡半璧爲璜璜中  
橫以衝牙以蒼珠爲瑀徐堅所引蓋三禮舊圖非宋嘉

氏圖也

東門之墀傳除地町町者案釋名釋州國鄭町其地多平町町然也一切經音義華嚴經第八引韓詩墀猶坦也謂除地平坦與毛同意

零露漙兮傳漙漙然盛多也釋文漙本亦作團案文選謝靈運永初三年詩謝元暉京路夜發苦寒行江文通雜體謝惠連七月七日詠牛女詩注並引毛詩零露團兮匡謬正俗曰鄭詩野有蔓草篇云零露團兮詩古本有水旁作專字者亦有單作專字者後人輒改之爲漙字讀若團圓之團作辭賦篇什用之遞相因襲曾無疑

者按呂氏字林雨下作專訓云露貌音上充反此字本作霽或作溥耳單作專者古字從省又上充之音與婉相類益知呂氏之說可依本非闢義矣廣韻二十六桓溥詩零露溥兮霽露貌並度官切

且往觀乎 案說文且部𪔐且往也從且康聲集韻𪔐才布切且往也廣韻十一暮𪔐注也當作往也字彙補𪔐昨娛切往也𪔐卽𪔐之譌文

清揚婉兮傳清揚眉目之間婉然美也 案玉篇面部云𪔐於遠切眉目之間美貌韓詩云清揚𪔐兮與毛故訓合猗嗟傳婉好眉目也韓詩外傳作青陽宛兮文選射

雉賦注引薛君韓詩章句青靜也

維是褊心 案隸釋漢蔡邕石經魯詩殘碑維作惟維惟  
古今字

是以爲刺 案石經殘碑刺作刺廣韻五寘刺七賜切刺  
俗五經文字引蔡邕石經頗多俗體省筆不合六書此  
亦其一也

彼汾沮洳傳沮洳其漸洳者 案說文水部澤漸淫也從  
水挈聲

河水清且漣漪 案漢石經漪作兮秦誓斷斷漪禮記大  
學作兮古漪兮通

不素餐兮傳素空也 案論衡量知篇素者空也空虛無  
德食人之祿故曰素飡無道藝之業不曉政治默坐朝  
廷不能言事與尸無異故曰尸位

坎坎伐輪兮 案漢石經作欲欲易坎卦京房劉表作欲  
古字通

無食我黍 案漢石經無作毋又夙夜無已猶來無死並  
作毋士昏禮注古文毋作無毛詩從古文魯詩從今文  
山有樞 案石經殘碑作藎爾雅釋木釋文藎本或作藎  
同

何不日鼓瑟 案石經殘碑何作胡伐檀箋云何胡也

寺人之令 釋文韓詩作伶云使也案說文人部使伶也  
從人吏聲許君本韓詩說

厭厭良人傳厭厭女也 釋文韓詩作悒悒和悅之貌案  
文選魏都賦注引韓詩悒悒夜飲薛君曰悒悒和悅之  
貌列女傳賢明傳引詩悒悒良人今詩作厭厭說文心  
部厭安也從心厭聲詩曰厭厭夜飲左傳昭十二年祈  
招之悒悒杜注悒悒安和貌悒厭厭聲相近

誰侑予美 釋文韓詩作媿音尾媿美也案說文女部媿  
順也從女尾聲讀若媚周禮媿爲古美字廣韻五旨美  
嫩同媿卽嫩也古書尾與微通若孽尾一作字微微生

一作尾生可證也

心焉惕惕傳惕惕猶切切也 案釋訓惕惕愛也郭注韓  
詩以爲悅人故云愛也漢書敘傳引孟康曰娒娒惕惕  
愛也一切經音義引心焉惕惕傳惕惕猶切切也匡謬  
正俗曰甫田篇云勞心切切爾雅音切切憂也後之賦  
者敘憂慘慘之情多爲切切王仲宣登樓賦云心悽愴  
以感發意切怛而惜惻諸如此類皆當音切字與切字  
相類切字從刀七聲傳寫誤亂或變爲切今之學者諷  
誦辭賦皆爲切怛不復言切失之遠矣据顏氏此說則  
元應引作切切爲長



碩大且儼傳儼矜莊貌 案太平御覽引韓詩碩大且嬀  
薛君曰重頤也五檢反說文女部嬀含怒也一曰難知  
也詩曰碩大且嬀廣雅釋詁嬀美也皆据韓詩禹貢厥  
筐廩絲史記夏本紀漢書地理志皆作舍古儼廩嬀舍  
聲相近

婉兮變兮傳婉變少好貌 案說文女部嬀順也從女𠂔  
聲詩曰婉兮嬀兮又變字音同

鴈鳩傳鴈鳩之養其子朝從上下暮從下上平均如一  
案說苑反質引尸鳩在桑傳曰尸鳩之所以養七子者  
一心也君子之所以理萬物一儀也列女傳母儀傳詩

云尸鳩在桑云云言心之均一也尸鳩以一心養七子  
君子以一儀養萬物一心可以事百君百心不可事一  
君風俗通引詩云淑人君子其儀不忒傳曰一心可以  
事百君百心不可事一君與劉子政同釋文鳩本亦作  
尸漢書鮑宣傳後漢書袁紹傳注淮南子時則訓注俱  
引詩作尸鳩說文廣雅亦作尸鳩

田峻至喜箋云田峻司嗇今之嗇夫也 案周禮職內疏  
引王氏漢官解云卜官嗇夫各擅其職漢書丙吉傳有  
少內嗇夫續漢書百官志大司農劉昭注嗇夫十一人  
儀禮覲禮嗇夫承命鄭注蓋司空之屬也左傳昭十七

年引夏書曰嗇夫馳則此官不始於漢矣後漢書鄭本傳少爲鄉嗇夫是嗇夫之職鄭君身爲之

小雅鄭譜大雅十八篇小雅十六篇爲正經 案正義引

左傳服虔注云自鹿鳴至菁菁者莪道文武修小政定大亂致太平樂且有儀是爲正小雅陳文王之德武王之功自文王以下至鳧鷖是爲正大雅鄭言正小雅篇數與服畧同正大雅增假樂公劉洞酌卷阿四篇與服小異鄭又以小雅六月以後大雅民勞以後皆謂之變雅詩大序亦言變風變雅是鄭所據依也

鹿鳴之什 釋文以什篇編爲一卷名之曰什案毛鄭分

什小雅則鹿鳴南有嘉魚鴻雁節南山谷風甫田魚藻  
是也華黍箋謂毛公推改什首非孔子之舊正義推衍  
孔子十首南陔第二彤弓第三鴻雁第四節南山第五  
北山第六桑扈第七都人士第八以下適十篇通及大  
雅與頌皆其舊也朱子集傳又因孔疏而小變之分鹿  
鳴白華彤弓祈父小口北山桑扈都人士爲什首考呂  
覽音律高誘注蟄讀如文王之什周禮樂詩注雍詩在  
周頌臣工之什是漢儒傳詩篇什本有定次未可以後  
人之臆見而改漢以來經師之舊第也

文選謝靈運傳  
論紛披風什

又案毛公信而好古其學具有傳授斷無私爲改竄之

理鄭氏見笙詩次第與儀禮不合遂疑毛公推改什首  
然古人奏樂之次不必盡依詩次如間歌奏小雅而合  
樂則奏二南豈得謂二南在小雅後乎鄭君臆度之言  
斯不然矣鄭又謂十月之交以下四篇毛公移其篇第  
遂改爲刺幽王然孔疏謂韓詩篇第亦與毛同是毛詩  
之次乃漢經師所共傳之本也鄭君据魯詩刺厲王而  
疑毛公移篇第余未敢信也

呦呦鹿鳴食野之苹傳鹿待萍呦呦然鳴而相呼 案左  
傳文十七年正義引服虔注鹿得美艸呦呦相呼義本  
毛詩

承筐是將箋書曰匪厥元黃 案堯典正義云鄭注禹貢

引允征曰匪厥元黃

正義曰鄭禹貢注引允征匪厥元黃

此卽孔氏逸書

十六篇之文也魏晉間古文竄入武成正義据偽古文反斥鄭引張霸偽書其誤甚矣

示我周行箋示當作寘寘置也 正義曰中庸云治國其

如示諸掌注云示讀如寘之河干之寘是示寘聲相近故誤爲示也案易坎上六寘于叢棘釋文寘置也劉表作示范甯穀梁注引亦作示古示寘通

死喪之威傳威畏箋云死喪可畏怖之事 案續列女傳

引詩死喪之威言死可畏之事惟兄弟甚相懷與毛鄭

合

神之弔矣傳弔至也 案說文辵部迺至也從辵弔聲釋

詁作弔古文省

蓼蕭云和鸞雝雝傳在賦曰和在鑣曰鸞 案商頌箋云

鸞在鑣說文金部鑾人君乘車四馬鑣八鑾鈴象鸞鳥

之聲和則敬也從金鸞省許君自序傳詩毛氏古文此

謂鑣八鸞正依故訓續漢志注二十九引傳元乘輿馬

賦注鸞在馬勒鑣亦用毛傳此毛詩之說也禮記鄭注

引韓詩內傳鸞在衡和在賦正義曰韓詩外傳文當作內傳

今外傳無此文周禮大馭鄭注鸞在衡和在賦賈疏引韓詩傳

升車則馬動馬動則鸞鳴鸞鳴則和應左傳桓二年正義引韓詩內傳鸞在衡和在軾前荀子正論篇楊倞注

引韓詩外傳

亦當作內傳

云鸞在衡和在軾前升車則馬動

馬動則鸞鳴鸞鳴則和應此韓詩之說也續漢書輿服志劉昭注鸞者在衡和者在軾馬動則鸞鳴鸞鳴則和應魯訓曰和設軾者也鸞設衡者也此魯詩之說亦與韓詩同也大戴禮保傅篇云在衡爲鸞在軾曰和馬動而鸞鳴鸞鳴而和應賈誼新書容經篇登車則馬行而鸞鳴鸞鳴而和應並與韓魯詩合漢時三家立學官毛詩不得立故多依用韓魯說也駟賦箋云置鸞于鑣異



於乘車也正義謂乘車鸞在衡鄭君注禮時先通韓詩  
故周禮禮記注並依韓說至箋詩宗毛仍爲兩解鄭意  
亦不廢韓詩也晉崔豹古今注五輅衡上金爵者朱雀  
也口銜鈴鈴謂鑾所謂和鑾也此謂衡上鑾亦韓詩之  
說文選前緩聲歌注引應劭漢書注鸞在軾和在衡與  
韓魯詩互易應仲瑗漢人必依三家詩李善所引誤倒  
也又史記禮書集解引服虔曰鸞在鑣和在衡則又服  
杜之新說與魯韓毛並異不可承用諸說不同然秦風  
云輶車鸞鑣是鸞在鑣經有明文當以毛詩說爲正  
大賈疏引毛云鸞在衡戴氏謂在鑣之說誤恐非  
說苑說此誤以韓詩爲毛詩  
叢篇鸞

設於鑣和設於軾馬動而鸞鳴鸞鳴而和應

我是用急 案鹽鐵論繇役引詩我是用戒說文言部諱

從言革聲讀若戒爾雅釋言械急也大雅匪棘其欲箋

棘急禮坊記引詩匪革其猶鄭注革急也采薇出車箋

並云棘急也古急棘革戒械並同音段借戴氏毛鄭詩考正謂亂作

急恐非

路車有奭傳奭赤貌 案簡兮傳赫赤貌奭卽赫之段借

也小雅韎韐有奭白虎通爵位篇引作韎韐有奭李善

文選注亦引毛傳奭赤貌

元戎十乘傳夏后氏曰鉤車先正也殷曰寅車先疾也周

曰元良先良也箋云鉤鑿行曲直有正也寅進也正  
義曰司馬法文也案今司馬法天子之義第二有此文  
周禮鄉師注又引司馬法曰夏后氏謂輦曰余車殷曰  
胡奴車周曰輶輦與毛引異毛所引者戎車鄭所引者  
輦車故不同也明堂位鉤車鄭注鉤有曲輿者也釋名  
釋車鉤車以行爲陳鉤般曲直有正夏所制也元戎車  
在軍前啟突敵陳周所制也與箋義合釋文作鉤股音  
古爾雅釋水鉤般李巡作鉤股古股般形相近詳見周  
易釋詁

采芑云歇彼飛隼箋隼急疾之鳥也 案釋元應觀無量

壽經音義引詩歟彼飛鵲箋云鵲急疾之鳥也隼本從佳俗又加鳥旁

鶴鳴于九臯傳臯澤也 案離騷章句引詩鶴鳴于九臯

王逸云澤曲曰臯釋文引韓詩云九臯九折之澤王充論衡藝增篇詩云鶴鳴九臯聲聞于天言鶴鳴九折之澤聲猶聞于天以喻君子修德窮僻名猶達朝廷也本韓詩說又案古書皆無于字說文鶴字注引詩鶴鳴九臯王充論衡藝增篇應劭風俗通聲音篇文選東方曼倩答客難趙景真與嵇茂齋書注月賦注潘安仁爲賈誼作注並引詩鶴鳴九臯唐石經有于字誤

如矢斯棘傳棘校廉也 案釋文引韓詩作柶隅也抑傳

隅廉也毛韓同意

斯干序宣王考室也 案漢書劉向傳宣王賢而中興更

爲儉宮室小寢廟詩人美之斯干之詩是也與序言宣

王時合

節彼南山傳節高峻貌 案說文山部𡵓陬隅高山之節

從山從下文選吳都賦黃緣山獄之𡵓劉達注許氏記

字曰𡵓陬隅而山之節也節卽𡵓之段借

何用不監傳監視也 案釋詁文爾雅釋文監字又作瞠

說文目部瞠視也從目監聲

天子是毗俾民不迷傳毗厚也 案荀子宥坐篇引詩天子是庠卑民不迷楊注庠讀爲毗輔也卑讀爲俾漢校官碑卑爾熾昌古卑俾通用

癩憂以痒傳癩痒皆病也 案釋詁癩痒病也

疏未釋文引

引舍人曰皆心憂憊之病也孫炎曰癩者畏之病也字林音怒詩作鼠雨無正云鼠思泣血箋云鼠憂也鼠卽癩之省文

四國無政不用其行箋四方之國無政治者由天子不用善人也 案續漢書五行志劉昭注引馬融集融上書曰詩曰日月告凶不用其行四國無政不用其良傳曰

國無政不用善則自取謫于日月之災馬季長所引傳  
昭七年左氏傳文鄭爲馬之弟子所說亦同

弁彼鸞斯傳弁樂也 案釋詁般樂也說文日部昇喜樂  
也弁昇般同音段借漢書杜欽傳小卞之作可爲寒心  
師古曰卞音盤晉語魯有卞費左傳作弁費論語卞莊  
子漢書東方朔傳作弁嚴子成十八年左傳弁糾御戎  
釋文云本亦作卞同

哀我填寡傳填盡也 釋文韓詩作疹苦也案雲漢云胡  
口瘖我以旱釋文韓詩作疹云重也填瘖疹聲相近

匪其止其維王之卬箋云卬病也小人好爲讒佞旣不其

其職事又爲王所病 案韓詩外傳引詩匪其止恭維王之叩言其不恭其職事而病其主也箋本韓詩

秩秩大猷傳秩秩進知也 案說文大部載大也從大戔聲讀若詩載載大猷走部趨从走載聲讀若詩威儀秩秩書平秩東作史記作便程古秩程載聲相近也少牢饋食禮鄭注秩或爲載柏舟云胡迭而微釋文引韓詩作載漢書地理引詩四載卽四驥驥亦从載聲古載戔載秩載迭並聲近段借

躍躍毚兔傳毚兔狡兔也 案說文毚部毚狡兔也兔之駿者從毚兔史記注春申君列傳引韓嬰章句毚謂狡



免義與毛同

居河之麋傳水草交謂之麋 釋文麋本又作涓案爾雅

釋水注引詩居河之涓文選別賦注引詩亦作涓魏都

賦注引毛傳水草交曰涓古金石文多以麋壽爲眉壽

我心易也傳易說 釋文韓詩作施施善也案大雅施于

孫子箋施猶易也釋詁弛易也古施弛通用

論語君子不施其親

注施易也

出此三物以詛爾斯傳三物豕犬雞也民不相信則盟詛

之君以豕臣以犬民以雞 案曲禮正義稱異義許慎

據韓詩云天子諸侯以牛豕大夫以犬庶人以雞左傳

鄭伯使卒出貍行出犬雞以詛射顓考叔者又衛伯姬盟孔惲以貍毛公謂雞犬豕近是韓生謂以牛失之

既其女遷箋云遷之言訕也 案說文訕從山聲古山遷聲近釋名仙遷也遷入山也廣韻二仙仙僊同

無將大車箋云將猶扶進也 案說文手部將扶也從手月聲玉篇將古文將字

至于芄野傳芄野遠荒之地 案說文芄遠荒也從艸九聲引詩此文

苾芬孝祀箋苾苾芬芬有馨香矣 案文選蘇子卿古詩注引韓詩曰馥芬孝祀薛君曰馥香貌也漢田君碑芬

馨馥芬膠東王君廟門斷碑有馥其馨卽詩有飴其香之異文毛傳飴芬香也古飴苾馥聲相近

倬彼甫田傳倬明貌 釋文韓詩作蒟云蒟卓也案釋詁蒟大也邢疏引韓詩同引說文蒟艸大也桑柔箋云倬明大貌說文倬箸大也從人卓聲

左之左之君子宜之右之右之君子有之傳左陽道朝祀之事右陰道喪戎之事 案老子第三十一章吉事尚左凶事尚右毛公本此老子爲獻王所得古書毛公仕于河間間引用之然獻王所得禮經傳記之屬政訓引用最多其依用老子者惟此及強梁一語豈非以其學

涉虛無不可以訓經典哉然則毛公之識亦卓矣

注禮弓注喪

尚右右陰吉  
尚左左陽也

平平左右傳平平辯治也

案荀子儒效篇分不亂於上

能不窮於下治辨之極也引詩平平左右亦是率從毛

公親事荀卿從師說也

天子葵之傳葵揆也

案說文手部揆度也又木部揆一

曰度也廣雅終揆椎也考工記注作終葵古字通用

角弓民之無良相怨一方受爵不讓至于已斯亡傳比周

而黨愈少鄙爭而名愈辱求安而身愈危

案荀子儒

效篇比周而譽愈少鄙爭而名愈辱煩勞以求安利其

身愈危詩曰民之無良云云

楊倞注愈讀爲愈

毛公傳本於荀

卿亦師說也

如蠻如髦我是用憂箋云今小人之行如夷狄而王不能

變化之我用是爲大憂也

案韓詩外傳引詩如蠻如

髦我是用憂小人之行也箋本韓詩

綱直如髮傳密直如髮也

案說文鬣髮多也從髟周聲

三部彡稠髮也

絲蠻黃鳥傳小鳥貌

案說文糸部絲聯微也從系帛廣

雅絲小也絲傳絲絲不絕貌箋云絲絲然若將無長大

時周書和寤解絲絲不絕蔓蔓若何漢書淮南王安言

粵人縣力蕩材皆小貌也又文選景福殿賦絲蠻黠蠻  
注引韓詩絲蠻黃鳥薛君曰絲蠻文貌王元長曲水詩  
序亂鴛聲于絲羽注引韓詩同與毛詩異禮大學作緡  
蠻正義言緡蠻然微小之黃鳥亦用毛詩序爲微臣刺  
亂故托於小鳥以喻微賤之意

令聞不已 釋文聞音問案墨子明鬼下引大雅曰令聞  
不已卷阿令聞令望釋文聞本亦作問荀子正名篇引  
作令問令望

其麗不億傳麗數也 案說文支部釁數也從支麗聲方  
言亦云釁數也麗與釁同麗兩也兩數之名也引申之

故訓爲數

常服黼黻傳曰殷冠也 案白虎通三正云詩曰厥作裸將常服黼黻言微子服殷之冠助祭於周也

使不挾四方 案韓詩外傳作俠法言淵騫篇滕灌樊鄴曰俠介注俠與挾同漢書叔孫通傳殿下郎中俠陛師古曰俠與挾同

其會如林 案風俗通林引殷商之旅其會如林傳曰山林之士往而不能反韓詩外傳卷五云山林之士爲名故往而不返應氏所引本韓詩傳文

涼彼武王傳涼佐也 釋文韓詩作亮亮相也案書畢命

疏引釋詁亮佐也今釋詁無此文應劭風俗通三王引詩亮彼武王小徐說文繫傳引作亮

自土沮漆傳土居也沮水漆水也 案漢書地理志右扶風杜陽師古曰絲詩曰自土沮漆齊詩作自杜言公劉避狄而來居杜與沮漆之地與毛不同鳴鵽云徹彼桑土釋文韓詩作杜郭璞方言注引作徹彼桑杜古土杜亦通借

聿來胥宇傳胥相 案新序雜事引詩聿來相宇

遐不作人 案潛夫論德化引詩胡不作人古遐胡通用以弗無子箋云弗之言祓也 案廣雅拂祓除也卷阿弗



祿爾康矣郭注釋詁引作祓此章弗厥豐草韓詩作拂  
云拂弗也古祓弗弗拂皆通用並讀如廢

易既濟婦喪其弗釋文于

夏作髣荀爽作綖

載震載夙箋云夙之言肅也肅戒不復御 案說文夙早  
敬也從夙持事雖夕不休早敬者也古文作𠂔又作𠂔  
徐鼎臣曰今俗作夙譌又肅持事振敬也從聿在淵上  
戰戰兢兢也徐楚金繫傳通論曰肅之爲言夙也早也  
恆夙具也特牲饋食禮乃宿尸鄭注宿讀爲肅肅猶戒  
也古夙宿肅並通說文鹽字注古者宿沙初作𠂔海鹽  
卽夙沙也𠂔部宿從𠂔𠂔聲𠂔卽古文夙也

誕實匍匐箋云實之言適也 正義曰定本爲實之言是

案集注並爲適案箋云是時聲音則已大矣當從定本

韓□箋實當作寔寔是也

載燔載烈箋云烈之言爛也 案廣雅烈熟也一切經音

義又引廣雅爛熟也烈爛義同

敦弓旣堅傳敦弓畫弓也天子敦弓 釋文敦音彫案荀

子大畧篇天子彫弓荀卿毛公之師也公羊傳何休解

詁云禮天子雕弓文選西京賦彫弓斯殼薛綜注彫弓

謂有刻畫也說文弓部弣畫弓也敦卽弣之段借

舍矢旣均箋云舍之音釋也 案鄉飲酒禮主人釋服大

射儀獲而未釋獲鄭注並云古文釋作舍周禮大胥春  
人學舍菜注舍卽釋也占夢乃舍萌于四方注舍讀爲  
釋舍萌猶釋菜也古者釋菜釋奠多作舍字大祝反行  
舍奠釋文舍音釋句祝舍奠于祖廟注舍讀爲釋大史  
節史舍算注舍讀曰釋禮記檀弓有司以几筵舍奠于  
墓左釋文舍音釋祭統受書以歸而舍奠于其廟注舍  
當爲釋聲之誤也月令上丁命樂正習舞釋菜呂覽仲  
春紀作舍菜三國志魏少帝紀嘉平五年詔用孟子舍  
生取義作釋生古舍釋通用四牡傳云臣受命舍幣于  
禰乃行陸氏亦音釋

下民卒瘁傳瘁病也

案禮記緇衣引詩下民卒瘁士冠

禮注古文亶爲瘁

洒埽庭內傳洒灑

案韓詩外傳作灑掃古今字

無言不讐傳讐用也箋教令之出如賣物物善則其售價

貴物惡則其售價賤

案韓詩外傳引詩無言不酬後

漢書明帝紀注陳球傳引詩俱作酬文選思元賦注引

詩無言不酬据韓詩也戰國策壤地著之盤盂屬之讐

柞注與酬酢同鄭君作售史記高祖紀每酤留飲酒讐

數倍如淳注讐亦售也古讐售酬並通用

表記引詩無言不讐鄭注

讐猶答也列女傳節義傳引詩無言不讐與酬同

敬恭明神 釋文作明祀本或作明神案漢西嶽華山碑  
白石神君碑兩稱敬恭明祀文選陸士衡答張士然書  
亦引作明祀

于邑于謝 案王符潜夫論志氏姓引詩于邑于序鄉射  
禮豫讀如成周宣榭災之榭周禮作序今文豫爲序古  
序謝聲近通用

仲山甫徂齊 案漢書杜欽傳仲山甫異姓之臣無親于  
宣就封于齊注鄧展曰韓詩以爲封于齊隸釋漢孟陽  
修堯廟碑天生仲山甫翼佐中興宣平功遂受封于齊  
亦据韓詩說也

簾茀錯衡箋云簾茀漆簾以爲車蔽今之藩也 案周禮  
巾車漆車藩蔽鄭注蔽車旁禦風塵者藩今小車藩漆  
席以爲之方言輶謂之輶漢書景帝紀今長吏二千石  
車朱兩輶千石至六百石朱左輶續漢書輿服志有畫  
輶黑輶朱輶說文無輶字車部軒字注曲輶藩車也當  
以藩爲正輶俗字也

武夫洸洸傳洸洸武貌 案鹽鐵論繇役作武夫潢潢潢  
洸古形聲並近

彼宜有罪汝覆說之傳說赦也 案潛夫論述赦引作汝  
反脫之說脫古通用

闕如虺虎傳虎之自怒號然 案說文虎部虺虎鳴也從  
虎九聲虺部虺哮虺也通俗文曰虎聲謂之哮號風俗  
通云詩美南仲闕如哮虎文選七啟哮闕之獸注哮與  
號同漢嚴訢碑威如哮虎武班碑哮虎之怒

日辟國百里傳辟開 案文選上林賦注引薛君韓詩章  
句曰辟除也天保傳除開也與毛同意

大王荒之箋一年成邑二年成都三年五倍其初 正義  
曰中侯稷起之注亦與此同當有成文不知事何所出  
案吳越春秋古公居三月成城郭一年成邑二年成都  
而民五倍其初文選于令升晉紀總論居之一年成邑

二年成都三年五倍其初李善注新序曰大王亶父止于岐下百姓扶老攜幼隨而歸之一年成邑二年成都三年五倍其初

單厥心傳單厚 案國語作亶厥心王符潛夫論慎微引詩俾爾亶厚胡福不除今天保亶作單胡作何古胡何通用史記歷書端蒙單闕二年注單闕一作亶案士冠禮注古文亶爲癉

儀式刑文王之典日靖四方傳儀善刑法靖謀也 案左傳昭六年引詩正義引服虔注儀善也式用也刑法也靖謀也言善用法文王之德日日謀安四方義本毛詩



簫管備舉箋簫編小竹管如今賣錫者所吹也 案周禮  
小師注簫編小竹管如今賣飴所吹者宋子京詩簫  
聲吹暖賣錫天劉筠詩錫市喧簫鼓是後世猶沿漢俗  
有客序微子來見祖廟也 案白虎通王者不臣引詩云  
有客有客亦白其馬謂微子朝周也

莫予弄蜂傳弄蜂瘳曳也 正義曰釋訓文孫炎曰謂掣  
曳入於惡也彼作聿聿古今字耳案說文彳部徬使也  
從彳諱聲徬使也從彳聿聲讀若蠡卽弄蜂之異文桑  
柔傳云弄使也弄聿徬同聲段借故許君亦訓爲使又  
手部瘳引縱曰瘳從手瘳省聲皆掣曳之意

絲衣序高子曰靈星之尸也 案通典四十四靈星禮引

五經通義曰靈星爲立尸故云絲衣其絺會弁俅俅傳  
言王者祭靈星公尸所服之衣也依高子說也

思樂泮水箋辟廱者築土澮水之外圓如璧四方來觀者  
均也泮之言半也 案白虎通辟雍引詩訓曰水圓如  
璧諸侯曰泮宮者半於天子宫也箋說本此

黍稷重穋傳後熟曰重先熟曰穋 案周禮內宰先鄭注  
先種後熟謂之種後種先熟謂之稔注引詩作種稔釋  
文種本又作重音同說文禾部種先種後熟也從禾重  
聲稔疾熟也從禾耑聲引詩黍稷種稔或作穋

新廟

奚斯所作傳有大夫公子奚斯者作是廟也

案文選西都賦奚斯頌魯注引韓詩魯頌篇新廟

奚斯所作薛君曰奚斯魯公子也言其新廟然盛

是詩公子奚斯所作也王文考魯靈光殿賦奚斯頌僖

歌其路寢注引韓詩同後漢書曹褒傳奚斯頌魯考甫

詠殷李賢注引韓詩薛君傳同揚子法言正考甫常晞

尹吉甫矣公子奚斯常晞正考甫矣注正考甫作商頌

奚斯作闕宮之詩漢曹全碑嘉慕奚斯考甫之美張遷

碑奚斯讚魯考甫頌殷楊震碑慕奚斯之追述綏民校

尉熊君碑宋成考父公子奚斯追述遺績紀述前勳楊

統碑庶考斯之頌儀張納碑庶慕奚斯口口之美其論  
敘紀著休烈刊口口頌匡謬正俗引陳思王承露盤銘  
序曰奚斯頌魯野客叢書引宋鮑昭河清頌藻披歌頌  
則奚斯之徒此皆韓詩之說與毛不同漢世毛詩不行  
故遵用韓說近段氏玉裁刻毛詩傳改作是廟爲作是  
詩謂毛傳與韓詩同至鄭箋始爲異說可謂不知而妄  
作者矣

野客叢書引  
毛傳作是廟

賚我思成箋賚讀如往來之來 案說文貝部賚從貝來  
聲下武昭茲來許釋文來鄭音賚下篇來孝同賓筵徂  
賚孝孫周頌賚序書湯誓子其大賚汝古文武成大賚

于四海徐邈並音來

見釋文

仙民多識古音故與鄭君合

也少牢饋食禮來女孝孫鄭注來讀曰釐大雅釐爾主

瓚沈重音賚

亦見釋文

古賚來釐並聲近通用

武王載旆傳武王湯也

案韓詩外傳稱孫卿引詩武王

載旆有虔秉鉞此謂湯武之兵也與故訓合毛公親事

孫卿從師說也

實維阿衡實左右商王

案文選阮嗣宗爲鄭冲勸晉王

賤揚子雲解嘲二十八將傳論運命論韓命論揚荊州

誅褚淵碑文凡七引詩實維阿衡左右商王下句並無

實字

不僭不濫傳賞不僭刑不濫也 案左傳襄二十六年善  
爲國者賞不僭而刑不濫引商頌曰不僭不濫荀卿致  
士篇賞不欲僭刑不欲濫荀卿本從左氏毛公親事荀  
卿亦從師說也

穹室熏鼠傳穹窮室塞也 正義曰大寒將至故穹塞其  
室之孔穴熏鼠令出其窟案晏子春秋內篇問上晏子  
對曰夫社束木而塗之鼠因往託焉熏之則恐燒其木  
韓非子作鼠穿其間堀穴託其中燠之恐焚木韓詩外  
傳說苑並作燠是古者有熏鼠之事

予之佗矣傳佗加矣 案易訟卦終朝三褫之釋文鄭本

作拖徒可反項安世玩辭引鄭元曰三拖三加之也拖  
佗聲相近

假哉天命傳假固也 案古假與嘏通玉篇嘏固也

生民傳以太牢祠于郊禩 案月令作高禩呂氏春秋仲

春紀祭神於郊謂之郊禩郊音與高相近故或言高禩

小子蹻蹻傳蹻蹻驕貌 案劉向新序引詩老夫灌灌小

子蹻蹻言老夫欲盡其謀而少者驕而不受也與傳訓

驕合

威儀抑抑傳抑抑美也 案古抑懿通故毛以爲美

褻如充耳傳褻盛服也大夫褻然有尊盛之服而不能稱

也 案漢書董仲舒今子大夫褻然爲舉首師古曰褻然盛服貌也引詩褻如充耳班固敘傳樂安褻褻古之文學師古曰褻褻盛貌也集韻四十九宥褻褻盛飾兒余救切

呦呦鹿鳴傳鹿得萍呦呦然鳴而相呼 案白虎通文質云卿大夫贄古以麋鹿古者質取其內謂得美草鳴相呼北史裴安祖傳年八九歲就師講詩至鹿鳴篇語諸兒曰鹿得食相呼而况人乎自此未嘗獨食焦氏易林同人之蹇曰鹿得美草鳴呼其友升之乾曰白鹿鳴呦呼其老少喜彼茂草樂我君子焦贛漢初人與毛義合



淮南子泰族訓鹿鳴興於獸君子大之取其食而相呼也

庠乃錢鑄傳庠具錢鈔鑄鑄案攷工記注鑄田器詩曰  
侍乃錢鑄說文人部侍待也儲侍也金部錢鈔也古田  
器从金菱聲引詩庠乃錢鑄鑄田器从金尊聲引詩亦  
同爾雅釋詁供峙共具也郭注皆謂備具文選羽獵賦  
儲積共侍李善注引郭舍人爾雅注曰共具物也侍具  
事也是舍人本峙作侍亦訓爲具與毛故合又周語侍  
而畚揭韋昭注侍具也

願言則嚏箋嚏讀當爲不敢嚏咳之嚏今俗人嚏云人道

我此古之遺語也 案漢書藝文志雜占家有噓耳鳴  
雜占十六卷野客叢書引隨筆曰今人噴噓不止者必  
嚙噓祝云有人說我蘇子瞻元日過丹陽明日立春寄  
魯元翰詩白髮蒼顏誰肯記曉來頻噓爲何人今世猶  
有此語

書段氏校定毛詩故訓傳後

金壇段氏玉裁校定毛詩故訓傳合傳爲一篇寘於經後以復古經傳別行之舊甚盛事也間或考訂譌文疏通古義其大要亦頗詳審顧其間竊有未安者有出於臆改無據者是不可以不辨也防有鵲巢傳昔久也段改爲夕謂誤作久案箋云自古昔之時常然申毛訓久之意正義亦云昔是久遠之事故爲久也周禮酒正二曰昔酒鄭注昔酒今之酉久白酒賈疏言昔爲久酉亦遠人之意也郊特牲舊澤之酒鄭注讀澤爲醪謂昔酒也釋文引隱義云腊久也釋名曰驛酒久釀酉澤也古

昔有久義故毛訓爲久段改爲夕非也伐檀傳寘置也  
段氏爲寘者寘之譌文寘塞也案鹿鳴箋云寘置也大  
司寇鄭注寘置也易坎上六寘于叢棘虞翻注寘置也  
釋文寘張璠作置古寘置通用毛取同音訓爲置段改  
作寘亦非也生民傳達生也姜嫄之子先生者也段謂  
假達爲沓重沓而生案箋云達羊子也生如達之生言  
易也此箋申毛非改毛也說文羊部牽小羊也讀若達  
達本說文挑達字毛意段達爲牽故訓爲生但傳文質  
畧箋更申言如達之生非有異也引申之則凡物之生  
皆曰達載芟云驛驛其達傳達射也箋云達出地也正

義曰苗生達則射而出毛鄭同也段於車攻傳舄達屨

謂達沓古通複下曰舄猶可言也至此傳亦護前說爲

重沓謂首生者乃如重沓而生之易

說文段注詩當作牽傳牽達也又自

背其說然凡

改經文亦非無乃郢書燕說歟閼宮傳云有大夫公子

奚斯者作是廟也箋云奚斯作者教護屬功課章程也

此毛鄭之說與韓詩說奚斯作頌者不同段氏改傳云

作是詩與韓詩同尤武斷之甚者也皇矣傳多据左氏

文其有不備箋更足成之段氏謂心能制義曰度至經

天緯地曰文凡八句皆傳文各本以德正應和以下五

句誤係之箋段之說亦想當然耳果何所据而爲是說

乎韋昭國語注引毛詩傳勤播百穀死于黑水之山今傳無此文此說見山海經海內經其文不雅馴與故訓

文不類或馬融詩傳之文亦未可知

後漢書馬融注亦稱毛詩傳

段

氏以此十字補入生民傳下斯爲妄矣說文爲六書之宗旨然所引詩或兼取三家不必盡依毛氏段於克岐

克疑謂疑乃淺人改之當依說文作疑考漢婁壽碑岐

疑有志則疑亦漢世通行之字也幽風二之日栗烈段

氏改作深冽又謂說文列譌爲賴案說文風部颺讀若

栗颺讀若列栗烈卽颺颺之段借不必改從栗列也古

烈賴聲同

思齊箋以烈假爲厲假論語鄭注厲讀爲賴

賴亦列也段氏謂冽

譌爲瀨未免不諳古音矣車牽傳慰安也段依釋文作  
怨也案王肅申毛爲怨恨孫毓朋於王亦爲怨也凱風  
傳云慰安正義作安是也崧高傳贈送段依集注本作  
增也案涓陽傳贈送也女曰雞鳴聲箋並云贈送也  
當以作送爲長甘棠傳依集注增召伯以下三十七字  
四牡傳依集注增無私恩以下二十八字皆過信崔本  
輕改孔疏節南山庶民弗信引日本古本作弗谷風傳  
据日本古本改無有不作無不有竊疑日本書爲好事  
者依托其所稱古本尤多傳會古書不可据段氏引之  
亦輕信之過也又傳斯方登也段登下增斧字衮衣卷

龍也段龍下增衣字古文簡質無庸添設他如兩驂不  
猗改作倚子維音曉曉增之字之類皆當存其原本著  
其異同今段氏皆徑改經文殊失古人傳疑之旨段所  
作說文亦多意必之說故特著之使後之讀段氏書者  
知所謹擇焉



詩序證文

案詩常棣正義引鄭志曰此序子夏所爲親受聖人魏王肅梁蕭統沈重陳陸德明唐孔穎達皆謂詩序子夏作獨後漢書儒林傳稱衛宏作詩序後儒多爲所惑今案華黍箋云毛氏訓傳各引序冠其篇首則毛詩本有序不始于衛宏明矣董仲舒春秋繁露云詩書序其志詩序書序著于西漢之初烏得謂爲東漢人作乎原其致誤之由衛宏本傳毛詩古文並述詩序蔚宗不學遂誤以序爲宏作儒林傳中誤以漢一字石經爲古文篆隸三體又誤以大毛公爲毛萇其牴繆大率類此漢魏

以來說詩者多遵詩序唐韓愈始疑之至宋鄭樵掊擊  
尤力謂序皆是村野妄人所作其言之狂悖如此樵又  
謂漢世文字未有引詩序者惟魏黃初四年有曹其公  
遠君子近小人之語詩序至是始行考漢世文字引詩  
序者凡十有五漢書禮樂志勺言能勺先祖之道也師  
古曰勺讀曰酌董仲舒傳於周莫盛于勺張晏曰勺周  
頌篇也言能成先祖之功以養天下也張晏三國時人  
應劭風俗通聲音云勺言能斟酌先祖之道並引酌序  
文一也文選王子淵講德論引傳曰詩人言之不足故  
嗟歎之嗟歎之不足故詠歌之詠歌之不足不知手之

舞之足之蹈之也李善注謂樂緯動聲儀亦有此文與  
大序同二也司馬相如難蜀父老云王者未有不始於  
憂勤而終於逸樂魚麗序文三也後漢書馬融傳廣成  
頌曰車攻吉日序于周詩馬季長傳毛詩亦稱詩序四  
也孫穀古微書引詩緯含神霧曰治世之音溫以裕其  
政平亂世之音怨以怒其政乖陶宗儀說郛引含神霧  
曰上以風化下下以風刺上主文而誦諫言之者無臯  
聞之者足以戒並大序文太平御覽禮儀部引詩緯經  
始靈臺天下附也依靈臺序文緯候皆漢以前書五也  
蔡邕獨斷云清廟洛邑旣成諸侯朝見宗祀文王之所

歌也我將祀文王於明堂之所歌也維天之命告太平  
於文王之所歌也維清奏象武之所歌也烈文成王卽  
政諸侯助祭之所歌也天作祀先王之所歌也昊天有  
成命郊祭天地之所歌也我將祀文王於明堂之所歌  
也時邁巡守告祭柴望之所歌也執競祀武王之所歌  
也思文祭后稷配天之所歌也臣工諸侯助祭遣之於  
廟之所歌也噫嘻春夏祈穀于上帝之所歌也振鷺二  
王之後來助祭之所歌也豐年蒸嘗秋冬之所歌也有  
瞽始作樂合諸侯而奏之所歌也潛季冬荐魚春獻鮓  
之所歌也雍禘太祖之所歌也載見諸侯始見於武王

廟之所歌也有客微子來見祖廟之所歌也武奏大武  
周武所定一代之樂之所歌也閔子小子成王除武王  
之喪將始卽政於廟之所歌也敬之羣臣進戒嗣王之  
所歌也小毖嗣王求忠臣助已之所歌也載芟春藉田  
祈社稷之所歌也良耜秋報社稷之所歌也絲衣繹賓  
尸之所歌也酌告成大武言能酌先祖之道以養天下  
之所歌也桓師祭講武類禡之所歌也賚大封于廟賜  
有德之所歌也般巡狩祀四嶽河海之所歌也並與周  
頌序三十一篇同六也左傳服虔解誼載馳五章許穆  
夫人閔衛滅作以自痛國小力不能救載馳序文襄二

十九年傳服注秦仲始有車馬禮樂之好侍御之臣車  
鄰序文周頌譜正義引服注烈文成王初卽洛邑諸侯  
助祭之樂歌也烈文序文七也劉向列女傳仁智傳關  
雎起興思得淑女以配君子關雎序文八也桓寬鹽鐵  
論引詩云莫非王事而我獨勞刺不均也北山序文九  
也劉熙釋名釋典藝詩之也志之所之也大序文十也  
漢禮樂志注應劭曰詩有六義一曰風二曰賦三曰比  
四曰興五曰雅六曰頌亦大序文十一也史記齊太公  
世家索隱引世本米衷注哀公荒淫田遊史作還詩以  
刺之也還序文十二也文選長楊賦注引韓詩序曰下

以諷刺上抑正義引侯云衛武公刺王室亦以自戒

選登石門詩注引韓詩曰伐木廢朋友之道缺侯包著

韓詩翼要亦依抑序文

劉元城引韓詩雨無極正大夫刺幽王也後人傳會不足據

十三也儀禮鄉飲酒禮鄭注君與臣下及四方之賓燕

四牡君勞使臣之來樂歌也皇皇者華君遣使臣之樂

歌也魚麗言太平年豐物多也南有嘉魚言太平君子

有德樂與賢者共之也南山有臺言太平之治以賢者

爲本大射儀注時邁者太平巡守祭山川之樂歌燕禮

注勺頌篇告成大武之樂歌也賈疏謂鄭君注禮之時

未得毛傳而所說並與序同十四也正義稱張逸問有

女同車序云齊女賢趙商問長發序大禱張逸問定之  
方中序仲梁子何時人鄭答曰先師魯人當六國時在  
毛公前逸又問絲衣序高子曰靈星之尸鄭答曰高子  
之言非毛公後人著之張逸趙商皆漢末人鄭之弟子  
十五也漢世之引詩序彰彰如是鄭樵淺躁之徒不能  
研究古書廼謂漢世文字未有引詩序者作詩辨妄以  
攻序而不自知其言之妄也或問子曰書序詩序皆漢  
世所傳述何以史漢引書序甚多而引詩序卒少子曰  
書序古今文所同故漢儒多依用之至詩序則齊魯韓  
毛序各不同漢時三家置博士而毛詩不得立故其序



不爲當時所重至東漢衛賈馬鄭諸儒表章古學毛詩始顯於世其後吳韋昭鄭語注引序秦仲始大初學記引韋昭答雜問時邁之詩巡守告祭柴望也魏左思三都賦序引發言爲詩者詠其所志也通典禮二引晉太康十年詔曰詩序曰文武之功起於后稷故推以配天焉晉束皙補亡六詩皆据詩序干寶晉紀總論引行葦序葛覃序六月序七月序文隋志周續之雷天宗孫暢之皆有毛詩序義阮珍之陶宏景皆有毛詩序注顧歡毛詩集解序義梁武帝毛詩發題序義劉歎毛詩序義疏劉炫毛詩集小序注北史有劉歎之毛詩序義注蓋

詩序於是乎盛行矣或問班志何以不載詩序子曰藝

文志毛詩二十九卷毛詩故訓傳三十卷古經傳別行

二十九卷者詩之本文也三十卷者依經立傳增小序

爲一卷也

經義考分載漢志毛詩爲毛亨故訓傳爲毛萇大誤

毛雖引序分置篇

端而猶仍原序一卷以存子夏之舊鄭箋所云子夏序

詩篇義合編正指此也後儒篤信詩序者莫如宋程子

其言曰學詩而不求序猶欲入室而不由戶也又曰大

序分明言國史明乎得失之迹若非國史則何以知其

所美所刺之人使當時無小序雖聖人亦辨不得烏虜

可謂知言矣至若左傳爲古文舊書漢世所不行而詩

序卷耳碩人載馳清人黃鳥桑柔及曲沃州吁衛伋鄭  
忽等事並與左傳合又鷓鴣序與金縢合東方未明序  
與周官合都人士序與緇衣合商頌序與國語合北山  
序與孟子合先儒論之詳矣茲不復述

毛傳格言錄

王伯厚困學紀聞於王輔嗣易注錄其善談名理者余  
謂毛詩格言尤多且其傳述皆聖賢之遺訓非輔嗣之  
學襍老莊者比也茲綴而錄之關雎傳夫婦有別則父  
子親父子親則君臣敬君臣敬則朝廷正朝廷正則王  
化成殷其雷傳雷出地奮震驚百里山出雲雨以潤天  
下野有死麕傳非禮相陵則狗吠狎有苦葉傳男女之  
際安可以無禮義將無以自濟也又非得所適貞女不  
行非得禮義昏姻不成谷風傳夫婦和而室家成室家  
成而繼嗣生靜女傳女德貞靜而有灋度又云彤管以

赤心正人也相鼠傳無禮儀者雖居尊位猶爲闇昧之行竹竿傳舟楫相配得水而行男女相配得禮而備菰蘭傳君子之德當柔潤溫良伯兮傳婦人夫不在無容飾女曰雞鳴傳君子無故不徹琴瑟賓主和樂無不安好又云閒於政事則翱翔習射雞鳴傳雞鳴而夫人作朝盈而君作又云古之夫人配其君子亦不忘其敬又云卿大夫朝會於君朝聽政夕歸治其家事鵲傳父尙義母尙恩兄尙親也無衣傳諸侯不命於天子則不成爲君衡門傳可以樂道忘飢匪風傳亨魚煩則碎治民煩則散知亨魚則知治民矣伐柯傳禮義者亦治國

之柄又以其所願乎上交乎下以其所願乎下事乎上不遠求也鹿鳴傳夫不能致其樂則不能得其志則嘉賓不能竭其力四牡傳思歸者私恩也靡盬者公義也伐木傳君子雖遷於高位不可以忘其朋友采薇傳君子能盡人之情故人忘其死出車傳鄰國有急以簡書相告則奔命救之汚水傳京師者諸侯之父母也鶴鳴傳言身隱而名著也又云錯可以琢玉舉賢用滯則可以治國十月之交傳親屬之臣心不能已雨無正傳遭亂世義不得去思其友而不肯反者也小口傳謀人之國國危則死之古之道也谷風傳風雨相感朋友相須

大東傳如砥貢賦平均也如矢賞罰不偏也角弓傳比  
周而黨愈少鄙爭而名愈辱求安而身愈危白華傳有  
諸宮中必形見於外縣蠻傳鳥止于阿人止于仁卷阿  
傳臣竭其力則地極其化天下和洽則鳳凰樂德烝民  
傳清微之風化養萬物者也瞻卬傳婦人無與外政雖  
王后猶以蠶織爲事有駉傳馬肥彊則能升高進遠臣  
彊力則能安國又鄭氏柏舟箋臣不遇於君猶不忍去  
厚之至也氓箋云用心專者怨必深又箋云士有百行  
可以功過相除至於婦人無外事維以貞信爲節隰有  
萋楚箋云人少而端慤則長大無情慾四牡箋云無私

恩非孝子也無公義非忠臣也君子不以私害公不以  
家事辭王事亦名言也